

附宗

製千字文序

全

部	經	部
類	小	學類
番号	1-203	
一	1-1	

5711
7
1

御製千字文序

予惟千字一書卽梁朝周興嗣之所撰也昔武帝教諸王書令殷鐵石于鍾王書中搨一千字不重者每字片紙雜碎無序令

興嗣韻之興嗣編綴於一日之內鬢髮爲之盡白可見用力之勤而其所以排比者亦可謂精且切矣仍又思惟春宮方講習是書而性旣聰朗心智日長加

意學問正在匪遠每當誦讀之際不惟只識字訓而已必須反覆紬繹觸類而長之如讀孝當竭力之句則思文王之日三朝而必也愉愉怡怡洞洞屬屬讀

御製千字文序

二

尺璧寸陰之句則如舜投珠璧禹惜寸陰而必也賤寶貴德學如不及讀剋念作聖之句則念聖狂之判在乎理欲而必也遏爾人欲擴爾天理讀知過必改

之句則體羲易之風雷益而必也遷善如風之速改過如雷之猛讀務茲稼穡之句則知盤中粒米皆出辛苦而必也尚儉節用爲國惜福日夕孜孜體驗于

御製千字文序

三

身則未必不爲開發成就之一助云爾

崇禎紀元後六十四年辛未秋七月朔朝序

重刊千字文後序

是書也字凡有千而言皆以
四始于天地玄黃終于焉哉
乎也句叶以韻事比以類方
其字之散也莫可整頓收入

重刊千字文後序

一

於行第而及其文之成也有
若準備排布於句段文法之
精迺辭語之簡潔自爲宇宙
閒一奇文字不但如字書之
裒聚邊傍團聚聲韻以備書

字之考閱而已以之訓蒙而
資其習學則字字新業而可
以爲字書之階梯句句異語
而可以爲文章之楷模其於
行遠升高固已多助而及夫

文理旣通領得一篇旨意則
大而三才五常之道小而日
用事物之則無不備載於其
中不待汎濫於經史諸籍而
大略已舉矣昔

景廟之在春宮也始讀是書
肅廟爲之親製序文拈出書中
之緊切句語以寓遇物之誨
使之觸類而長云其旨誠淵
而微矣余於

聖祖之訓未嘗不三復玩味而
竊嘗推之以及於他其可以
自警於朝夕而修治於身心
者不啻多矣世之人徒知其
爲蒙學之初習而歸之於淺

近弁髦於讀過之後則豈我
聖祖弁卷之意哉

歲己丑孟冬哉生明顧庵

序